



左畔如前逆寫來合符文左右文各占五

寸中等書符右券文用半幅黃素一尺二寸從兩頭書各十二行朱書真正不得行

草脫漏令均調行所中間滿書符文用金

環一隻或以青絲貫之鋪於券上書刀一

口以刻金環師弟子立約畫一割券師收

左弟子收右終身藏之不敢遺墮

童子保帶式帶長五尺青紫為之其
之訓書錄于紳以
致不忘之意



弟子身護
此符專治度師等公門下諸文
其符法甚多不可悉述

安宅醮電君牒

北極驅邪院牒 司命電君二十四神

據入事意竊慮建造電位執泥不潔位置
非宜及於平時有所觸犯今因醮修併伸

禳謝須至奉牒者

牒具如前請詳察誠意遠為祛斥住宅之內
妖異故氣不得停留及諸魔魁精怪並行屏
逐務令宅宇肅淨仍請各安位署保護居人

火盜公私永臻安吉所有觸犯亦當遵奉

正法咸與原除所牒到奉行毋致違戾故牒

年 月

法師銜

道門定制卷之十

正一天師清微弟子 洪百堅 製作
道教學術資訊網

道門科範大全集卷之一同卷 卷二

廣成先生杜光庭剛定

生日本命儀

清旦行道

法事陞壇如式

都講舉各禮師存念如法

高功宣衛靈呪

青陽虛映耀日回靈神虎辟邪飛天流鈴

推好滅試萬魔束形九微迴道八公攝精

千真校錄三元蕩清左嘯中黃右示六丁

七轉八合周旋天經聖化靈龜大道興行

慶雲流布合景黃庭和與道合具

都講舉鳴法鼓二十四通

高功發爐

無上三天玄元始三炁太上道君太上老君

召出臣等身中三五功曹左右官使者左右

捧香驛龍騎吏侍香金童傳言散花玉女五

帝直符直日香官各三十六人出出者嚴裝

顯服冠帶垂纓關啓玄壇土地方域神真巨

今早朝陞壇行道謹奏為入意其諸忱悃已

錄告聞願得

太上十方至真道炁靈寶瑞光下降流入臣等身中令臣所落速遠徑詣

太上元極大道

三清上聖

昊天玉皇上帝

紫微北極大帝御前

都講舉請誦法位

具位臣姓某與合壇官眾等謹同誠上啓

斗極祖師洞真大道元始天尊斗極宗師洞

玄大道太上道君斗極真師洞神大道太上

老君玉皇大天尊玄穹高上帝斗中之尊天

皇大帝斗中之主紫微大帝北斗高上玉皇

尊帝君太微玉帝玄卿大帝君北斗太尉陽

明貪狼玉晨君北斗上宰陰精巨門玉晨君

北斗司空真人祿存玉晨君北斗遊擊玄冥

文曲玉晨君北斗斗君丹元廉貞玉晨君北

斗太常北極武曲玉晨君北斗上帝天關破

軍玉晨君北斗玉帝洞明外輔玉晨君北斗

帝真隱元內弼玉晨君斗中天罡萬真節度

奎光帝君北斗九皇夫人九陰內妃三台華

蓋星君三官五帝九府四司斗中道德諸君

無鞅聖眾六十甲子本命星君玄中大法師

三天大法師寶上真人二仙使者九官官屬

一切真靈且聞大道既分元精啓運天地垂

象陰陽孕靈厥初生人首出群品毓神太極

凝氣重玄咸資亭育之功共稟自然之化臣

等叨承福會預品人倫屬三洞開光五大演

奧琅函玉笈獲觀玄微鳳蘭龍章備探幽蹟

而安身順俗荏苒光陰未能吸景雲出栖神

霞壑惟立功佐命弘道化時以副玄科冀申

微效況奉詞旨敢不上聞

宣詞

按如詞言丹誠懇切今屬誕生本命之日虔誠

歸命崇啓道場將祈降福九天延休茲日肅

恭香火注念真靈披十華朝會之儀法三境

焚香之格所冀元尊降鑒萬聖垂光救五帝

於玉宮詔群真於八極開南昌之丹秩增祿

延年注東斗之青文流祥介福以今清旦行

道請法眾等運茲初檢上香

眾和香至玉清宮遍玉清聖境成華

蓋供養大羅元始尊

願此香煙騰空徑上供養

無上至真道寶臣等皈身皈神皈命首體投

地仰依

太上三尊十方眾聖願以是檢香功德上福

社稷尊靈宗祧先聖凝神天上降福人間

皇帝壽山增永辰極齊華懸日月而照萬方

運元和而康四海后妃太子貽景貺於無窮

文武臣僚構皇猷於浩劫今故燒香自皈依

道尊大聖眾至真之德得道之後保天長存

和與道合真

以今早朝陞壇行道請法眾等運茲二檢上

香

眾和香至上清宮遍上清真境成寶

蓋供養玉晨大道君

願此香煙騰空徑上供養

無上至真經寶臣等皈身皈神皈命首體投

地仰依

太上三尊十方眾聖願以是檢香功德歸流

齋主恭八桂齊年五山等祚萬仙降祐餌金液以安神群聖迴光開玉書而注祿九玄七祖超景朱陵五族六親列名丹簡今故燒香自皈依

經尊大聖眾至真之德得道之後永保長存和與道合真

以今早朝陞壇行道請法眾等運茲三檢上香

眾和香至太清宮過太清仙境成雲蓋供養五靈玄老君

願此香煙騰空徑上供養

無上至真師寶巨等皈身皈神皈命首體投地仰依

太上三尊十方眾聖願以是檢香功德歸流天地之內普及群生九夜開光三塗朗晏飛

沉動植咸遂生成今故燒香自皈依

師尊大聖眾至真之德得道之後永保利亨和與道合真

懺方 命魔 三啓 三禮
重稱法位

具位巨恭與臨壇官眾等謹同誠上啓

三清上聖十極高真斗府神仙醮筵真宰恭

望洪慈洞垂昭鑒巨等伏聞二炁凝和三靈

表質承大道生成之化鼓太虛陶鑄之功由

是千年為降聖之期五百乃生賢之數莫不

稟神妙運分星辰日月之華繼德誕靈結嶽

清山川之秀故能功宣濟物道叶為時恩被

生靈惠覃幽顯當茲今序宜啓壇場將擁洪

休仰析玄聖冀因虔禱俾獲感通按靈寶明

科披自然秘格注心三境皈命十天燈分鶴

焰之輝香散龍煙之穗玉章飛韻清磬流音

旁周家廊之間上達無何之外三尊演覲增

年於玉曆之中萬聖流慈延祚於瑤緘之上

九丹自得萬善咸臻長簡帝心永綏天祿

皇帝瑤圖克固寶運遐昌萬國宅心九圍順

化星辰合度日月貞華海外寰中俱洽無為

之道天長地久弘宣不宰之功庶類昭蘇群

生蒙福上窮三界下及九陰惠澤普沾同臻

壽域上明

天尊大慈之澤下副巨等皈嚮之誠謹啓以

聞

知啓舉十二願

都講舉存神燒香

高功復爐

香官使者左右龍虎君侍香諸靈官當令巨

向來早朝陞壇行道之所自然生金液丹碧

芝英百靈眾真交會在此香火爐前當願十

方仙童玉女接待蘭煙傳巨向來所啓之誠

速達徑御

至真無極大道

三清三境天尊

昊天玉皇上帝

紫微北極大帝 御前

知啓舉

出堂頌

引至六幕堂

出戶

道門科範大全集卷之一